



დავით ტვილდიანის
სამედიცინო უნივერსიტეტი

**ბიბლიოთეკის რესურსებისა და სერვისების
განვითარებისა და განახლების მექანიზმები**

თბილისი, 2017

დეფნი ჰეარის სახელობის სამედიცინო ბიბლიოთეკა (შემდგომში ბიბლიოთეკა) პასუხისმგებელია ისეთი საბიბლიოთეკო რესურსების (კოლექციები და სხვა) და სერვისების განვითარებაზე, რომლებიც ხელს უწყობენ უნივერსიტეტის კურიკულარულ და კვლევით პროგრამებს. იმის გათვალისწინებით, რომ ბიბლიოთეკის მიერ შეუძლებელია უნივერსიტეტისთვის ყველა რელევანტური გამოცემებისა და პუბლიკაციების მოპოვება, ბიბლიოთეკა ახდენს საბიბლიოთეკო რესურსების შეფასებას – მათი სარგებლობიდან ამოღების ან მასში რესურსის დამატების გადაწყვეტილების მიზნით. ამ მიზნისათვის ბიბლიოთეკა ეფუძნება კონკრეტულ კრიტერიუმებს, რომლებიც განსაზღვრული რესურსის ტიპს განიხილავს მეტი ან ნაკლები მნიშვნელობის კონტექსტში.

- **დავით ტვილდიანის სამედიცინო უნივერსიტეტის საგანმანათლებლო და კვლევითი პროგრამების ფაქტობრივ და პოტენციურ საჭიროებებთან შესაბამისობა.** ბიბლიოთეკის თანამშრომლები მჭიდრო კომუნიკაციაში არიან უნივერსიტეტის სხვადასხვა სტრუქტურულ ერთეულთან, დარგობრივ და დისციპლინათა მიმართულებების წარმომადგენლებთან, რომლებიც მოიაზრებიან რესურსების პირველადი მომხმარებლების კატეგორიაში. აღნიშნული კომუნიკაციისა და თანამშრომლობის მეშვეობით ბიბლიოთეკას იღებს მუდმივად განახლებულ ინფორმაციას დავით ტვილდიანის სამედიცინო უნივერსიტეტის სტუდენტების, აკადემიური და კვლევითი პერსონალის არსებული და პოტენციური საჭიროებების შესახებ.
- **დარგი და შინაარსი.** ბიბლიოთეკის წარმომადგენლები აფასებენ პირველადი მომხმარებლების საინფორმაციო საჭიროების მოცულობას და დეტალიზაციის ხარისხს. პრეფერენცია ენიჭება ისეთ რესურსებს, რომელთა მოცულობა და დეტალიზაცია მაქსიმალურად შეესაბამება იდენტიფიცირებულ საჭიროებებს და მათი გამოყენებადობის მაღალ ხარისხს.
- **არსებული ბაზის მოცულობა და ერთეულის ხელმისაწვდომობა ადგილზე.** ახალი რესურსის (სახელმძღვანელო, პერიოდული გამოცემა და ა.შ.) შეძენის საჭიროების განხილვისას ბიბლიოთეკის წარმომადგენელი აფასებს შესაბამისი მიმართულებით უკვე არსებული ბაზის ძლიერ და სუსტ მხარეებს. რესურსზე არსებული მოთხოვნის გათვალისწინებით ზუსტდება ეგზემპლარების რაოდენობა.
- **ხარისხი.** რესურსის ხარისხის შეფასებისას განიხილება ისეთი ფაქტორები, როგორებიცაა ავტორის რეპუტაცია, გამომცემელი, თანაავტორები, სარედაქციო კომიტეტი, ილუსტრაციების ხარისხი და მნიშვნელობა, ბიბლიოგრაფია. აღნიშნული ფაქტორები განიხილება კომპლექსურად რესურსის ხარისხის საერთო შეფასების მიზნით.
- **სიახლე.** საბაზისო და კლინიკური დისციპლინები საჭიროებენ განახლებულ და უახლეს ინფორმაციას. შესაბამის მიმართულებებში უპირატესობა მიენიჭება ისეთ რესურსებს, რომლებიც შეიცავს განახლებულ და რევიზირებულ ინფორმაციას.
- **ფასი.** რესურსის ფასეულობა საბიბლიოთეკო ბაზისათვის არ იზომება მხოლოდ მისი ფასით. თუმცა სხვა კრიტერიუმებთან ერთად ფასიც განიხილება რესურსის შეფასების პროცესში. „უფასო“ რესურსის შეფასების პროცესში უნდა იქნას გათვალისწინებული მათი დამუშავების, კატალოგიზების, განთავსების და შენახვის ხარჯები.

1. რესურსების შერჩევა

- რეგულარულად ხდება გამომცემლობათა კატალოგებისა, ასევე დისკლინების მიხედვით ელექტრონული რესურსების და სხვა შერჩევის ინსტრუმენტების გაცნობა და განხილვა. ხორციელდება განსახილველი და დასამტკიცებელი სახელმძღვანელოების სიის შემუშავება.
- უწყვეტ რეჟიმში მიმდინარეობს არსებულ რესურსებზე ელექტრონული ხელმისაწვდომობის ზედამხედველობა.
- ხორციელდება რეკომენდაციების მომზადება და დოკუმენტაციის მომზადება ახალი ელექტრონული რესურსების მოთხოვნის შესახებ. აღნიშნული სიები მტკიცდება ბიბლიოთეკის კომიტეტის მიერ და წარედგინება რექტორს დასამტკიცებლად.
- უწყვეტ რეჟიმში ხდება განახლებული ლიტერატურისა და ელ. რესურსების შესახებ აკადემიური პერსონალისა და სტუდენტების ინფორმირება.

2. სერვისები და მათი განვითარება

- პერსონალისა და სტუდენტებისთვის ხელმისაწვდომია კონსულტაციები და საჭიროების შემთხვევაში მათ უტარდებათ ინსტრუქტაჟი ახალი საინფორმაციო, სასწავლო და კვლევითი რესურსებისა თუ ინსტრუმენტების, ასევე მათთან წვდომის საშუალებების შესახებ.
- საინფორმაციო რესურსები (წიგნი, სახელმძღვანელო, ატლასი, პერიოდული გამოცენა, კომპაქტ-დისკი, ვიდეო ფაილები) განთავსებულია ბიბლიოთეკაში და ხელმისაწვდომია პერსონალისა და სტუდენტებისთვის.
- არსებობს და გამართულია წვდომა საბიბლიოთეკო ინსფრაქტურასთან, ბაზასთან, კოლექციებთან და სისტემებთან, მათ შორის პარტნიორობისა და კონსორციუმების გამოყენებით.
- პერიოდულად ხორციელდება მომხმარებლების აზრის კვლევა არსებული რესურსებისა და სერვისების შესახებ დამოკიდებულების და საჭიროებების შესახებ, ხდება რეკომენდაციების მიღება. კვლევის შედეგების ანალიზისა და შეფასების საფუძველზე შემუშავდება ბიბლიოთეკის რესურსებისა და სერვისების განვითარების გეგმა.

3. ტექნიკური რესურსების მონიტორინგი და განახლება:

- ტექნიკური რესურსების მონიტორინგს და შეფასებას ახორციელებს ტექნიკური პერსონალი, რომელიც პასიხისმგებელია შესაბამისი აღჭურვილობის გამართულობაზე და საჭიროების შემთხვევაში განახლება-შემდენაზე.